



重刻南滁會景編序



淮南疆域千里號稱都會名
區奧境錯列其間及至滁陽
而群山蟠結地方十里泉谷
巖洞之勝聞於天下淮南之
景悉會於滁焉學士大夫過

者未嘗不弭節一登登者輒
濡毫紀述然弗能遍也故司
馬趙公爲太僕考牧於茲遂
裒次諸作彙而成帙於是南
滁之景悉會於編中不出几
案而泉谷巖洞之勝可按籍

而知遊者雖弗遍焉弗病也
歲久殘缺篇什散亂編中之
景幾於復晦京兆高公爲太
僕遂屬函太丞錢公鄭公校
正之考圖經訂氏籍高公親
臨決刪定采其有補于民風

者附焉因命工刻之或曰靡
辭奚必重梓焉予曰不然是
非南滌之文獻乎古者卿大
夫交會揖讓必稱詩以喻其
志列國之詩猶有稱焉况於
其鄉者乎傳曰登高能賦可

以爲大夫行後大夫抱靡及
之懷廣咨諏之益能無感乎
能無咏乎感慨今昔之間可
以觀盛衰鑒得失而裨政治
非獨恣游觀已也夫滌南南
畿近輔南國諸侯大夫被

明王之化咸有退食委蛇之節
來游來歌矢其德音穆如清
風以慰我心其誰能廢之粵
若

皇祖首事于茲土草昧經綸
天藻具在纂

帝功述

祖德清廟之樂章首徵于是是
其可泯乎君子謂高公之舉
也協于禮矣於是公行屬于
為序序成而予行授之主簿
包君俾綴之編首

嘉靖乙卯春正月吳郡章煥
撰

南滁會景編序



滁故有醉翁亭集刻在官寺
嗣弗葺者四十禩矣集祗醉
翁亭自餘名勝未經采彙豐
樂修復纔閱一紀宜弗及也
瑯琊深秀由晉而唐而宋稱

述實繁可獨少哉龍蟠有聞
厥亦逝矣栢潭歲錫靈貺勝
據近郊非歐陽子賽龍所邪
高皇駐滁於潭盖惓惓焉顧傑
構瀕墟而奎文炳炳貞珉
在望宜暴於代無疑也乃皆

不及之遂使海內學士詞客
思覽滁勝槩有不備見之惜
而哲踪逸響亦就湮鬱其曠
典歟今年春余自右通政叨
總駟牧至滁寺事勉爲整復
緣地僻務簡適愁霖逾春歷

夏日坐齋中頗稱無事數檢
是集不直闕佚爲歎舛訛亦
多爰思一增刻之乃蒐獵山
館之作皆集中所無而窮巖
幽塢斷碣殘碑采擷靡遺然
至不能辨焉者抑多矣居無

何滁中大夫上聞之咸出所
藏相眎刺目快心應接弗皇
於是古今作者稍用表見所
愧以余譎劣復乏清鑒聊即
諸勝地景以類分篇以景附
漫爲編次之爾編旣成遂槧

於木而自序之

嘉靖丁酉夏六月望中大夫

南京太僕寺卿魏郡趙廷瑞

序

南滁會景編古今題名

唐

韋應物比部員外郎出刺滁州

獨孤及滁州刺史

顧况

宋

王禹偁至道中由翰林學士出守滁州

歐陽脩慶曆中由龍圖閣直學士改知制誥出守滁州

曾肇知滁州

曾鞏

蘇軾

王安石

黃庭堅

梅聖俞

林嶠

三山人滁郡守

丁臣

周圻

尚書都官員外郎通判州事

杜符卿

尚書職方員外郎知軍州

王吉

淮東人試校書郎

常安民

張商英

呂元中

通判滁州

蒲執中

廣陵人

施昌言

盛度

米恁

襄陽人滁判州

張澗

徐徽

全椒人

李廸

淮南安撫使

元

虞集

蜀人奎章閣侍書學士

國朝

宋濂

金華人翰林承旨學士

陳循

太和人少保尚書兼大學士

楊士奇

廬陵人少傅兵部尚書大學士

蘇伯衡

眉山人翰林國史院編修

陳璉

羊城人禮部侍郎前知滁州

商輅

淳安人尚書大學士

周叙

廬陵人翰林侍讀學士

李維則

齊安人滁學訓導

薛希璉

括蒼人刑部侍郎

祝孟獻

鄱陽人南京太僕少卿

祝鎮

鄱陽人南京太僕寺丞

吳鑑

合肥人南京太僕寺丞

武信

滁人按察司僉事

黃鎬

三山人南京戶部尚書

談達善

德慶人南京太僕寺丞

湯胤勳

信國後人

黃瓌

全椒人監察御史

孫鼎

廬陵人監察御史

戴珊

浮梁人都御史

冒政

戶部主事

任啓

京口人

李蕙

當塗人都御史

鄧謙

資江人滁同知

張瑄

江浦人刑部尚書

石澄

滁人鴻臚少卿

張瓚

孝感人都御史

甘澤

開州人滁衛經歷前按察副使

張弼

華亭人南安知府

莊杲

江浦人翰林檢討

程敏政

新安人禮部侍郎兼翰林學士

章玄應

樂清人湖廣叅議

李紀

江都人監察御史

陳規

均陽人滁學訓導

曾顯

泰和人滁州知州

冀綺

淮安人應天府尹前南京太僕卿

劉必賢

滁人監察御史

盧祥

嶺南人南京太僕少卿

劉清

滁人刑部侍郎

范麟

滁人知縣

朱雲

滁人羽林百戶

湯節

漕運叅將

鄭叔美

金華人滁判官

于冕

錢塘人南京太僕少卿

李宗泗

四川人監察御史

白圭

蠡縣人滁州判

劉愷

涇人監察御史

孫序

涇人推官

石祿

涇人順天府丞前南京太僕少卿

蕭璿

漳州人涇判官前給事中

高鑑

信陽人夔州知府

李鑑

濟寧人監察御史

任漢

四川人監察御史

李璿

湯陰人少保工部尚書前南京太僕少卿

張賁

成都人南京太僕卿

王庭

青田人南京太僕主簿

沈周

長洲人別號石田

倪天民

燕山人布政使

呂憲

嘉禾人南京太常卿前南京太僕少卿

李夢陽

慶陽人江西提學副使

儲罐

泰州人侍郎前太僕卿

夏崇文

長沙人南京通政前南京太僕少卿

華杲

無錫人布政使前南京太僕寺丞

陳大章

盱眙人南京太僕少卿

鄭紀

莆田人南京戶部尚書

鄭宗仁

任丘人戶部尚書前南京太僕少卿

朱應登

寶應人提學副使

楊禔

武陵人南京太僕卿

王守仁 餘姚人 新建伯兵部尚書前南京太僕

文徵明 長洲人 翰林待詔

潘希曾 金華人 兵部侍郎前南京太僕卿

王爌 黃巖人 南京工部尚書前南太僕少卿

曹傲 京口人 南京太僕少卿

韓荆 陽信人 都御史前南京太僕卿

方豪 開化人 按察副使

劉瑞 內江人 南京禮部侍郎前南京太僕少

蘇民 咸寧人 南京兵部侍郎前南京太僕卿

童時 鄱陽人 南京太僕主簿

張元春 新建人 滁州知州

江埴 山陽人 都御史前南京太僕寺丞

王溱 開州人 運使前監察御史

張楠 滁人 參議前南京鴻臚卿

楊果 江都人 南京戶部侍郎前南京太僕卿

陳達 閩人 都御史前南京太僕少卿

夏尚朴 永豐人 南京太僕少卿

孫存 滁人 布政使

牛鳳 葉縣人 南京太常卿前南京太僕少卿

沈霽 華亭人 監察御史

江良貴 貴溪人 提學副使

李東 藍田人 監察御史

郭維藩 儀封人太常卿兼翰林學士

張濂 上谷人監察御史

劉龍 襄垣人南京兵部尚書

湛若水 增城人南京吏部尚書

王崇獻 曹縣人都御史前南京太僕卿

張璧 石首人南京禮部尚書

劉節 大庾人刑部侍郎

馬敷 上蔡人監察御史

劉棟 山陰人提督四夷館太常卿前南京太僕卿

余承業 青神人按察僉事

張璠 石州人都御史前南京太僕少卿

張惟恕 上蔡人監察御史

穆孔暉 堂邑人南京太僕少卿

丁養浩 仁和人布政使

杭淮 宜興人都御史前南京太僕卿

胡鐸 餘姚人順天府尹前南京太僕卿

崔桐 海門人禮部侍郎前南京太僕少卿

于鏊 滁人按察使

王隆 東莞人滁學正

陳則清 闡縣人都御史前知滁州

王邦瑞 宜陽人兵部尚書前知滁州

蘇祐 濮州人兵部尚書都御史

徐九臯 餘姚人監察御史

張寅 太倉人翰林檢討

李松 長洲人監察御史

聞人銓 餘姚人提學御史

朱廷立 通山人禮部侍郎前南京太僕少卿

田濡 聊城人南京太僕卿

張讓 諸城人南京太僕寺丞

朱同芳 餘姚人南京太僕寺丞

陳脩 山陰人監察御史

裴騫 澤州人滌同知前按察副使

胡松 滌人山西參政

吳龍 歸安人南京太僕主簿

林元倫 臨海人知滌州

王梅 平湖人滌同知前翰林庶吉士

戚賢 全椒人刑科都給事中

洪垣 婺源人監察御史

屠楷 臨桂人南京兵部尚書前南京太僕卿

戴金 漢陽人兵部尚書前南京太僕少卿

傅炯 進賢人南京刑部尚書前南京太僕少卿

陳誨 崇陽人全椒知縣

方克 桐城人監察御史

楊瞻 蒲州人監察御史

周冕

滁人監察御史

鄔宗源

安慶人南京太僕主簿

張忠

任丘人南京太僕卿

高澄

固城人前南京太僕少卿

汪宗元

崇陽人前南京太僕少卿

劉存德

同安人監察御史

賈大亨

上虞人監察御史

陳大壯

洛陽人南京戶部郎中

謝應徵

華亭人監察御史

王崇慶

開州人南京禮部尚書

嚴時泰

餘姚人工部侍郎前南京太僕卿

趙汝濂

太和人前南京太僕卿

扈永通

曹縣人順天府尹前南京太僕少卿

陳士貞

新淦人南京右府都事前南京太僕主簿

龍翔霄

武陵人南京兵部員外

路可由

曹縣人監察御史

楊順

德州人監察御史

史褒善

開州人前御史

劉訥

鄆陵人刑部尚書

王交

慈谿人南京太僕寺丞

劉洵

鄱陽人南京太僕寺丞

龔秉德

濮州人南京監察御史

茅坤

歸安人按察司副使

胡賓

光州人南京太僕寺丞前吏科右給事

郭公週

福寧州人監察御史

潘恩

上海人布政使前南京太僕寺丞

余胤緒

應城人戶部侍郎前南京太僕卿

楊選

章丘人監察御史

涂鉉

豐城人知府前南京太僕寺丞

王光祖

直隸魏縣人監察御史

張舜臣

章丘人南京大理卿前南京太僕卿

章煥

長洲人南京太僕少卿

劉教

廬陵人刑部郎中

熊鳳儀

京山人南京太僕寺丞

游居敬

南平人布政使

成子學

海陽人監察御史

鄭大同

莆田人大理卿前南京太僕卿

呂懷

廣信府永豐人南京太僕少卿

孫應奎

餘姚人按察使

高燿

清苑人順天府尹前南京太僕卿

鄭用賓

莆田人南京太僕寺丞

張寰

崑山人通政司叅議

葛清

應天人舉人

錢文爵

無錫人南京太僕寺丞

包大魁

鄞縣人南京太僕主簿

王楠

會稽人南京太僕少卿

郝良臣

襄垣人南京太僕寺卿

朱勳

潞人泉州府學教授

孫孟

滁人杭州府知府

楊世臣

建寧人姚州知州

王惟中

晉江人南京太僕少卿

吳擴

崑山人別號之山

盧宗哲

德州人南京太僕卿

孫植

平湖人南京太僕少卿

黃廷用

莆田人南京太僕寺卿前同經持洗馬
兼翰林院侍講

蔣焯

全州人監察御史

盧茂

德州人別號少涑

陳本

江陰人南京中城兵馬

謝阜

閩人太學生

俞鸞

靈州人前兵科都給事

葛浩

上虞人南京太僕卿

張九功

沁州人監察御史

陳謹

閩人前翰林院修撰

趙鈇

桐城人南京太僕少卿

林庭機

閩縣人南京太常寺卿

王以旂

應天人少保太子太保兵部尚書前南
京太僕寺少卿

康大和

莆田人南京禮部侍郎

尹臺

永新人南京吏部侍郎

秦梁

無錫人南京太僕少卿

李廷龍

龍溪人監察御史

羅復

南昌人監察御史

陳志

閩縣人監察御史

應鏞

臨海人知滁州

徐陟

華亭人南京太僕卿

馮乾元

京山人南京太僕寺丞

毛鵬

棗強人巡撫都御史前南京太僕少卿

萬恭

南昌人南京太僕少卿

楊子亨

華亭人南京太僕寺丞

徐綱

興國人南京太僕寺卿

胡杰

豐城人南京太僕寺丞前翰林院侍讀

劉秉仁

貴陽衛人南京太僕寺少卿

盛汝謙

桐城人南京太僕寺少卿

孟津

滁人寶慶府同知

邵夢麟

滁人大理寺寺副

馬文健

鉅野人監察御史

王鶴

長安人南京太僕寺卿

宋治

臨淮人南京太僕寺丞前監察御史

馬一龍

溧陽人南京國子監司業前翰林院檢討

吳遵

海寧人南京太僕寺少卿

潘忠

上海人南京太僕寺寺丞

李敏

榆次人南京太僕寺卿

歐陽昱

泰和人南京太僕寺寺丞

裴宇

澤州人南京禮部右侍郎

喻時

光山人南京兵部侍郎

張憲臣

崑山人刑科給事中

許初

吳縣人南京太僕寺主簿

黃正色

無錫人南京太僕寺卿

殷邁

南京人南京太僕寺卿

胡文

詔安人南京太僕寺寺丞

趙軌

高平人南京太僕寺少卿

石璽

滁人河南開封府同知

王可立

滁人山東參議

羅良

萬安人南京太僕寺卿

胡考寧

慈谿人

陸光祖

平湖人南京太僕寺少卿

李世達

涇陽人南京太僕寺卿

許孚遠

德清人南京太僕寺丞

王之垣

新城人南京太僕寺卿

劉穩

鄞縣人南京太僕寺少卿

韓必顯

安丘人南京太僕寺丞

南滁會景編目錄

第一卷

栢子潭文集

繹思亭 龍泉寺
夜度兩關記附

第二卷

栢子潭詩集

來遠亭 梧桐岡 龍泉寺附

第三卷

豐樂亭文集

菱溪石 醒心亭 壯懷亭
紫薇泉 景歐亭附

第四卷

豐樂亭詩集

醒心亭 壯懷亭 紫薇泉
景歐亭 菱溪石 幽谷附

第五卷

醉翁亭文集

歐陽文忠公畫像記附

第六卷

醉翁亭詩集

釀泉 陽明祠附 梅亭 二賢祠

第七卷

瑯琊山文集

日觀亭 攬秀亭 龍蟠寺附

第八卷

瑯琊山詩集

凡二十三景 攬秀亭附

第九卷

龍蟠山詩集

偃月洞附

第十卷

環山樓文集

西澗附

第十一卷

環山樓詩集

悠然亭附

卷第十二

襟景詩集

西澗附



南滁會景編卷第一卷

文集

栢子潭

御製

洪武六年遣秦府右傅文原吉祭于栢子潭神龍曰
昔兵駐滁陽適當秋首正禾苗暢茂時乃無雨軍民
惶惶予亦甚沮詢及土人言豐山之東潭有神龍每
遇患旱禱之輒應予親詣懇切於祠神不我棄後三
日乃荅俄風生萬壑倏墨雲遍於太虛須臾霖雨濟
我軍民然雖去此而常想二十年間凡旱患猶極日
于神方今群牧在斯掬涵泉飲有告我者蛇入神祠
予想非蛇必神有所爲而致豈牧豎褻瀆而有所惡



歎抑神心悅而至歎嗚呼倏然忽然予所不知特遣
官致祭并禁掬水神其鑒焉

栢子潭神龍效靈記

昔元末帝紀至正十有四年歲次甲午秋七月朕率
兵駐滁陽正禾苗暢茂之時值天久旱農樹將槁時
所帥者衆憂恐乏食皇皇不已於是詢于土民之耆
年者曰滁陽郡在方冊其來遠矣水陸英靈孰民懷
之語旣郡耆默然中有志士楊文素者曰滁之西南
有山曰豐山陽谷有巒巒側有淵名曰栢子潭淺深
莫測神龍出沒來乎其間前代雨愆期凡官守于斯
者必懇禱于是誠則輒應於是每遇旱患祈必豐稔

滁民懷澤臨淵而建祠先後人相繼無不仰瞻今天
久不雨必詣神祠陳其所以或者雨乎朕旣聽是云
卽策馬極所在去將百步稅騎而步趣欽欽而臨淵
懇思之泮泮乎在淵躍躍乎遊雲於是齋焉飯僧臨
祠而禱之初土民有云凡禱之日潭必有異或魚尾
於淵或龜鼉浮於面斯雨澤之先兆者朕亦欲是至
期無見禱已畢矣親躋巒側立淵西崖拔弧俯眎以
矢入淵者三祝謂神曰曩有禱于神者謂神有異今
乃無是朕與神約期三日神若我荅無不神敬設香
然還可祠于淵乎祝畢乃是日天朗明日萬里無雲
三日其晴愈甚漏當已正之間纖雲不飛待至午漏

將正出眎西天滌之西南豐山之右黑雲一點昭示
碧天其巨如斗噫久旱不雨今碧天萬里所望之雲
不過如斗量豈濟哉果若不蒼神必我較將有他變
歟於是闕息于中堂少頃眎外澹影幽陰卽出仰眎
嗚呼歛然忽然墨雲已徧太虛雷轟天外電掣九霄
霖雨大作時朕冒烈風迅雷卽詣神祠謝神如朕所
約邑中去潭多不三里餘比至潭所在山川滂沱盈
溢無不浩浩蕩蕩神乃我蒼不傷不溢民獲豐稔朕
自去此三十餘年若遇旱患心目朝向是方意欲詣
祠而禱斯慕神之切也遂於洪武十八年冬十有二
月十一日特敕有司建亭宇刻堅石著神效靈樹當

淵所以昭示澤民之驗

栢子潭記

陳璉

城西南有山巍然高大爲此邦之望者曰豐山山之
陽有山聯絡而來隆然而高者曰栢子山山崖下有
深淵曰栢子潭卽宋郡守歐陽脩栢子坑賽龍處潭
左高阜舊有會應祠繪五龍像祀之五龍各封王爵
我

太祖高皇帝甲午年駐蹕滁陽是年秋七月適丁旱
曠嘗禱雨于神大著靈應洪武六年遣使來祭九年
敕有司建祠宇改封神曰栢子潭神龍十八年冬
敕建碑亭十九年夏四月復遣崇山侯同工部主事

劉仲康督滁州等五衛軍匠浚潭建樓復新祠宇丹
碧焜煌照耀林壑而規模宏遠矣永樂四年夏六月
六日當修祀事先一日璉偕僚屬道出城南不三里
而近至栢子山之陽夾道檜栢蒼翠之色可愛行百
餘步至石橋橋西南有澗泉自豐址而來冷冷作環
珮琴筑聲漚于橋下膏停黛滴光可鑑毛髮其餘流
則經太僕寺前非注三湖塘踰橋十餘步至山門門
左右繚以崇墉墉周于山之半入門內皆松梧檜栢
高下彌望修柯戛雲低枝拂石如幢豎如蓋張如龍
蛇走密葉雲布日光不到地雖盛夏風氣如秋行可
三十步至碑亭亭三楹地據高爽或云卽時若亭故
址亭中樹石碑一雲龍蟠首而龜爲趺書

太祖皇帝

御製祭栢子潭神龍文及

御製神龍

效靈碑

奎光照回上燭霄漢四方來游觀者莫不

稽首碑下自亭下西去不十武至圈門門高七尺闊
五尺門之屋長二十五尺由圈門下至平地卽龍潭
也潭四方砌以巨石東西六十尺南北如之護潭石
欄楯四十有六潭中央石柱一出水可高五六尺刻
雲氣承珠狀工極精緻潭之深可三尺許下有泉脉
四時不涸潭之西有崖石斂于水初

太祖皇帝祈雨時嘗立其上拔弧俯眎以矢入溷者
三崖石下傍有二竅通下山腹或云龍之所穴然沒

于水不可考潭北一竅亦通山腹水常不沒可見潭地極低其四周爲樓高可三丈有奇東西八丈五尺南北數畝東西通爲楹二十有八樓屋脊四合中空四方上設欄檻俯眎潭水樓下四周築以崇墉高二丈有奇墻之北及東闢二圈門以通往來自內達外凡三十級由東門歷級而上出圈門至平地北折餘二十武踰碑亭復西折餘二十武至神祠祠三楹中設木主一書今封神號祠左有石浮屠一高六尺有奇乃宋清流令李子建所立上刻尊勝陀羅左呪大觀三年四月十有一日滁州判官呂稅記刻呪之由甚詳而趙郡李興宗作隸字書之頗古拙可愛祠在

高阜俯眎潭上樓屋如在井底東北望郡中列雉數千市廛闐雜沓鱗次而城內外公宇及釋老寺觀浮屠廡院輝霍崇麗滁河如紆經于郡城村墟田疇極望無際東南之山可見於二三百里外每登臨倚徙雲煙雜乎鳥屐嵐靄生於襟袖使人脩然而塵慮清澹然而情境融誠滁陽之奇觀也按郡乘宋乾德四年郡守高保緒始建祠繪五龍像元豐二年郡守呂希道奏賜額曰會應大觀三年四月清流令李子建復新之是年七月滁不雨郡倅史祈一禱輒應嘉泰元年夏郡守許巽憫雨禱復應元皇慶壬子滁不雨是歲冬深無雪郡守張元中禱俱應入 聖朝神

之效靈事尤照灼詳見 御製碑洪武二十九年京
師早 朝廷遣使齎香幣祝文致禱雨立至永樂三
年春二月及夏五月滁不雨璉率僚屬虔禱俱應是
歲大稔蓋神之德于滁人者非一日矣嘗聞名山大
川之能興雲致雨爲當時所褒祀者固多然未有若
斯潭神龍效靈之著爲歷代崇重是以 聖製載頒
豐碑特建雲漢之章照燭穹壤山中草木咸有喜氣
豈非山川之靈有所待乎璉因修祀事特紀其實刻
諸崖石庶游觀者有可考云

栢子龍潭銘

有序

章煥

栢潭之名舊矣

太祖皇帝龍飛淮甸仗劍臨滁於時神淵效珍神龍
效靈從其類也

帝光踐大寶昭景貺答神休遂封山濬淵築壇除道
斬奇袤以正方位剪榛莽而樹嘉木朱樓耀日玉柱
擎天華蓋星臨旒旗電閃崇以嘉號錫以 奎章於
是百谷來王萬靈胥拱絳綃出於鮫室象罔獻其玄
珠河庭開紫貝之宮海窟雜魚鱗之屋揚天聲於有
截壯宏範於無彊巍哉廈乎不可尚已歲月旣久丹
碧斯湮傑構漸歛崇基未圯臣煥念成功之匪易懼
故實之失傳乃臨池染翰拊石叩音齋心頌盟致其
潔清勒石爲銘爰告於典守者其辭曰

栢蒼蒼兮廕巖阿激潺湲兮激素波宵頽洞兮沕
荒惚聳谿衍兮超砒矼神哉龍兮雲爲御條其來
兮忽而去履嘉運兮翼神皇驂日月兮宣重光
含元氣兮吐雷電霈霖雨兮澤萬方龍之神兮今
安歸浴咸池兮升紫微耀寶魄兮盪靈威肅紫壇
兮曳雲旗受黃圖兮萬福來

繹思亭記

章煥

滁故多勝景景最勝者曰龍潭煥始聞而慕之願一
憇焉及來潭上見修栢千章崇岡複道翼以洞門遺
構巋然絕壁之下北有龍祠祠東隆岵巍巍宸藻
炳焉迺知是山龍興首地

高皇帝披荆棘闢草萊彎弧挾矢躬有事于茲片石
孤株手所封植拮据勤勞瘁矣柰何其以爲般遊之
地也且是時

皇祖起布衣未有尺土之供獨首念稼穡徒步徼靈
暴露累日今在位者有常祿食民脂其於民事有若
聖慮之懃懃乎甚宜省也

帝去此十三年而踐阼歲數使使來祭其後京師旱
亦禱焉今千里焦赤饑饉載道民不厭藜藿

高皇在天之靈其眴眴於茲潭審矣考之傳記

帝嘗濯手於潭感五龍之異祝焉其後戰勝免胄而
祭白龍自胄挾震霆握赤電排空而上諸將推戴始

定嗚呼此真受命之祥而碑中言罕及之不欲以符
瑞訓後世也規模遠矣然猶敕有司建祠遣重臣崇
山侯建樓工費浩穰典至重矣此必神龍之靈有默
當於

帝心者終 帝之世未嘗一日忘也由此觀之千秋
萬歲後魂魄猶居此矣今潭上風雲黹黯祥靄晝升
祠光夜顯神龍英爽與

高廟神靈飛揚陟降過者益肅然心動也昔后稷粒
我烝民太王荒於岐山周之子孫形之樂歌以薦祖
考文王勤止則與其臣下敦時而繹思之今碑中所
載寔開萬世粒食之源而豐山親

帝迹所起 帝業之基配天之休比于周之三后百
爾臣庶飽食安居獨忘其自哉是故君子思之可以
勸忠小人思之可以興義有能繪豐山以爲豳風之
圖協 聖謨被律呂而登歌清廟之上則可以羨盛
德告成功且使朝夕諷誦知艱難之本則可以爲世
世守成之助此僕御侍從之職也僕寺密邇茲山日
睹其事而不能獻此僕臣之罪也初洪武中蛇入祠
中遂嚴掬水之禁併載于石久而禁弛民毀垣折木
往往自沈于淵有司懼焉會巡按御史郭民敬禱雨
祠下翅遺烈聞鴻圖遂檄守臣除穢布新繚以周垣
禁民毋得輒入仍其遺址葺亭其傍以時對越名曰

釋思煥遂因山刊石以紀成事詩曰

明明我祖奮跡淮甸時乘六龍或潛或見潛於何所豐山之隩天造草昧納于大麓受圖膺紀躍於重淵雲行雨施飛龍在天天作高山烈祖荒之地闢深源神龍康之皇祖有訓民不可下所重民食禹稷躬稼潤穉澤枯惟龍之祥潭中之澤暢於八方龍德正中厥施既普穹碑峩峩鎮壓下土惟帝念功永章神休載安神棲閣道重樓神之來格右序有明雨暘時若山川皆寧於皇在上配天作極粒我烝民不知不識懷柔百神及河喬嶽遙駿有聲厥靈濯濯維清緝熙昭明之典鑒

觀民莫於乎不顯咨爾有位釋思不忘於時保之配命無疆

龍泉菴田記

黃燠

龍泉之有菴蓋我

太祖高皇帝用太僕寺請特建以守夫馬神廟者也
洪武季年詔汰天下僧而是菴仍留僧二人以廟在也但菴舊無常業僧頗不樂居故守者常缺人而菴因以壞今年滁有司白巡按劉君藥重新之功告成予適署寺事少卿汪君玄錫寺丞吳君天挺劉君樽及童主簿時咸謂予曰廟以菴守菴以僧守僧以產守失今不爲之計厥後將有如前日之復壞者予

深然之遂以予分隸所積贖金在滁者給買民唐洪
等水田若干畝歸之菴俾爲之僧者耕以守焉收之
牒以爲信且戒其弗失庶幾不負我
聖祖特建之至意而廟亦永有所托固吏于茲者分
內事也果爲比丘圖哉

一水田壹所共叁拾坵種柒石坐龍蟠

寺東南東至泉水壩南至唐濟園西至

塘堰北至袁寬田

一地泉壹道以資灌溉

一站糧壹石

改建南京太僕寺環駟橋記

萬恭

豐山勢穹窿蜿蜒頓伏若萬馬騰空而下從西南北
折為滁城又析其一緣山之麓東走里許而氣乃始
止太僕寺署據其正面巽而聽其政令焉其麓為二
澗一自山之陽流而北一自山之陰流而東至龍潭
之麓匯又東流經寺署之前循左又曲而北若拱若
揖環寺署流活活始入於清流河

高皇帝親定署址不獨以饒薦草莽水泉利可牧又
以豐山類天駟天駟者房星也主馬政則堪輿之術
固兼用之蓋其慎哉公署南舊繚水梁通出入嘉靖

初易木以石然偃門而梁門以外僅可旋馬又澗泉故抱門而東梁偏門則舊之抱者反而挑余以嘉靖辛酉夏來任太興柱野趙公為余言偃門而梁稽之規制則不備考之堪輿又不利蓋徙諸未幾以貴州巡撫去不果徙其年八月西吳張公以侍讀出為寺丞張公與余故好堪輿術病之如趙公云是年冬星橋金太史入堪輿之室者也過滁少卿雙渠毛公及余二人者引之躡石梁而左右睇睽金太史又病之如余與張公云毛公時視篆思以易置之顧置無所得直張公躍而曰予我十金假我二旬足辦此矣毛公亟從之于是廓自門至南約十步徙梁焉復墮舊

梁之空東西設拒馬臺相距又約十五步梁益遠則門觀益曠偉澗泉穿新梁而流亡反挑之病署之東南隅更為石門水有瀦洩梁左右種以荷三人者暇憑梁而觀之荷芬水光漣漪上下蓋公署雄曠之雅觀備矣顧相謂曰有梁無名胡以傳遠張公曰泉復環流之舊毛公曰梁屬天駟之陽余曰環駟可乎遂名焉是役也梁石如舊無所易置匠氏餽費贖金三十役丁夫四十經始于辛酉季冬落成于壬戌之孟春果二旬而舉之美梁成而寺丞南溟楊公以賁捧返則毛公以盛夏巡撫行張公以賀萬壽行且召歸楊公懼其久而失考鏡也命主簿楊

孟元伐石謂余宜記之余乃具述載其繇勒諸前門
之左方嗚呼吾國臣際承平却走馬以糞則相與結
駟循橋仰而觀山俯而聽泉以與滁人共樂其樂若
其奸宄竊發封疆有警則又相與循橋介駟而馳之
佐軍國之急圖天下安以上報

高皇帝唯園臣任哉唯園臣任哉毛公名鵬棗強人
楊公名子亭華亭人張公名春新喻人董工役者署
主簿廳事滁州衛指揮童克明法得備書

新建滁州青墩鎮碑

滁之西郭三十里為清流関関峻聳斬天鑿石為門
僅僅可方執其陰則廣野沃壤美田稼環周道而居

者可聞雞犬行旅夜不持刃其陽半舍為青墩又半
舍始入滁墩多榛棘滁之人委而棄之以故地益曠
莽暴客多躡草萊中以晦晝或暝夕候行者殺越而
奪之貨州有司法不能制置弗問嘉靖四十年春華
亭達齋徐公來為太僕卿即問滁民所疾苦何哉最
苦民曰苦青墩夫青墩非居者之苦也又非行者所
苦也州有司不能制之之苦也公即召州有司盍鎮
而治諸州有司蹙額對言鎮即責諸官難在舉羸責
諸民誰則往青墩者公乃檄滁民曰吾欲若居青墩
乎僉曰不願也又曰吾治爾室薄爾役給爾恒產若
居青墩乎僉曰幸甚往青墩哉往青墩哉公乃括太

僕贖金貯有司者下滁吏目甘芳董其事甘芳拮据鳩工聚材不數月廬舍二十餘楹成募居民纍纍實之省私役給官產悉如徐公言于時闐闐櫛比商賈流通而青墩之鎮成矣夫剪榛棘禦暴客通行旅佐百姓之急治州有司所不能制徐公亦良勞哉徐公始其勞以光祿任去不及視其成余後公數月貳太僕事乃不與其勞而樂觀其成不可無紀命滁判吳夢龍吏目甘芳伐豐山之石而志焉使後之居者曰是徐公興吾利也無窮又使後之行者曰是徐公祛吾害也無窮此古甘棠意也徐公名實行入國史中故不具論云

新建滁州麻塘湖鎮碑

萬恭

華亭徐公既治青墩鎮成行旅無警商賈流通滁之西郊悉有盜所願距滁城八里為麻塘湖地饒松林上蔽飛鳥下不見伏兔即白晝之中朝墮蒼蔚實生龍蛇若陰雨晦冥葳奸伏慝荃潛伺行旅者出掩掠人旋隱入松林中告吏捕之不能得也其道東達金陵西馳滁泗淮汴棄之又不可徐公深念鎮青墩而不營麻塘是滁西郊允而東郊壅壅東郊與不允西郊等耳行旅苦故在問州有司州有司輒又對如青墩議徐公輒又括寺贖金營麻塘第其地近滁城故費少半仍命甘芳為之而麻塘之鎮又成視青墩逾

速民爭受屢者逾衆何者邇滁故也于是旅人歌徐公昔盜區今坦途使我馳驅而無不時之虞余謂徐公太僕卿職問馬未遑問傷人其居滁也餉項耳乃百廢具興遠悅邇安奚獨馬也興除之效豈不以人哉所謂秉心塞淵者非耶余聞之故老先是行旅苦殺越訟州有司無有止息今徐公之去滁也一年矣走地如鶩矣不聞有訟州有司者矣誰之賜也誰之賜也余入滁亦一年實親覩其事云後先贊以成者少卿棗強毛公寺丞華亭楊公新喻張公記其事者南昌萬生也

弼建馬政街豐樂社倉學記 胡杰

昔讀孔氏書斯民也三代所以直道而行其遠衛荅問曰庶矣富之富矣教之亡亦以民性之良無間今昔而俗敝風流作而維之恒繇于上之人乎至他日曾參氏語士師曰上失其道民散久矣復之未嘗不廢書嘆也既仕典在史局不得親隱瘼辟之越俎而議嗟置之不甘味之無從也歲辛酉以守戩無狀待罪溢上南移來滁丞罔事罔寺額當豐山之趾龍潭之墟號滁中勝區環寺皆監牧舊址蕪曠且久正德初罔貳餘姚王君陽明先生始召民立業不隸有司迨于茲生齒林々幾三百戶碩先王養教之典缺而未備俗尚窳惰民無虞生先後考牧者病焉屬今

朝政張絃風行中外會同正次虛貳貴陽劉君秉仁
以入 賀行桐城盛君視篆事慷慨顧予曰若非吾
輩責耶丞相與刊約浮費悉數發諸贖錢度基構材
創設鄉社一區扁曰豐樂述往蹟貽來庥也正後為
神祠中為親民廳左學舍舍四楹群社之子弟年十
五以下七八以上者肄其中擇教讀一人董之右倉
廩計金易穀以時其歛放厥減學舍一楹而深廣埒
焉週以垣墉嚴以局鑄外又相土之稍僻而陽者為
漏澤園以收瘞其鄉之死無歸者諸凡條議如社戶
有伍神有祀學有規節倉出納有司塚有守守望有
助以聯義言有採以集思詳見各款籍中井々稱備

役始于秋七月辛丑越八月丙辰告成事計為日僅
十有五卜以次日丁巳吉奉社主入祠詰明盛君偕
予躬奠祠中甲總二人東西立階上手

皇祖聖諭牌揚鈴警鐸宣讀教民榜文社父老率諸
子弟羅拜階下謹呼鼓躍日中如沸拜畢教讀領諸
子弟入學舍以次授讀遠近聞者絡繹踵至塞隘衢
陌觀聽一新予與盛君顧而樂曰吁猗哉詎今民之
不可古哉君曰俞蓋紀之君諱汝謙字亨父號古泉
以名御史按部閩輔視營政晉貳光祿大夫歷今秩
所至聲履嶢然卓志道古力砥流俗孜孜皇々余不
類叨從其後日飫朝劑之澤茲其一嚮焉爾爰受簡

標次歲月以告來者尚永之嗣而守之環問之民庶其無散已乎其將有興矣乎

漏澤園記事

士君子之於世隨所在而存者亡者無不欲其得所此太僕漏澤園之所由建主簿許君樂成之也園成余改南院簿移文屬余言余何言哉嗟乎蒼生之存若亡不得其所者何限尚隨在以相與勉圖之丙寅秋七月中元日桐城盛汝謙記

造漏澤園啓土告文

維嘉靖四十五年歲次丙寅六月庚申朔越六日乙丑南京太僕寺主簿許初敢昭告于滁州境內

岡土地之神曰禮云掩骼埋胔著在月令所以廣天地之仁存先王之制也顧茲滁之鄰壤每有流亡一遇災荒塗多餓殍其諸貧無以殮遠無所歸者殘毀烏鳶暴露風日凡有入心能不隱惻先是本寺少卿盛公志切憂民力行古道既立義倉稍備賑貸尚圖義翁而未克成今任正卿思畢前志爰命廳職選購茲地寬阜攸宜倣古漏澤之園封之坊表以告將來惟神德溥厚載靈鎮一方尚祈憫彼聚鬼遊鬼默加呵護永奠幽宅寔於神庥是賴焉今者卜日興工敢遣執事官用申虔告

按前寺丞豐城胡公作豐樂社倉義學記云

又相土之稍僻而陽者為漏澤園于時盛公
為少卿蓋有志是舉而未得其地也及公遷
南鴻臚卿至丙寅春公仍陞本寺卿屬初相
茲地為漏澤園公又尋陞南都察院右僉都
御史去瀕行告戒董治責成告土文并附云

漏澤園即今所立義冢在寺之南三里餘
乃居民胡柱之業橫三十六丈豎四十四
丈東至本家水田西至人行大路南至賈
家墳塋旱地北至本家小塘水田園之外
左首官造屋四間就令胡柱看守當領官
價八兩賣契
元年春三月識

襍集

夜度兩關記

程敏政

予謁告南歸以成化戊戌冬十月十六日過大鎗嶺
抵大柳樹驛時日過午矣不欲但已問驛吏吏給言
雖晚尚可及滁州也馬上行三十里稍稍聞從者言
前有清流關頗險惡多虎心識之抵關已昏黑退無
所止即遣人驅山下郵卒挾銅鉦束燎以行山口兩
峯夾峙高數百尋仰視不極石棧嶮崖悉下馬累肩
而上仍相約有警即前後呼譟為應適有大星光煜
煜自東西流寒風暴起東燎漸滅四山草木蕭颯有
聲由是人人自危相呼譟不已銅鑼闐發山谷響動

行六七里及山頂忽見月出如爛銀盤照耀無際始
舉手相慶然下山猶心悸不能定者久之予默計此
關乃趙檢點破南唐擒其二將處茲遊雖險而奇當
爲平生絕冠夜二鼓抵滁陽十七日午過全椒趨和
州自幸脫險卽曳無復置慮行四十里渡後河見面
山隱隱問從者云當陟此乃至和州香林院已而日
冉冉過峯後馬入山嘴巒岫廻合桑田秩秩凡數村
儼若武陵仇池方以爲喜旣暮入益深山益多草木
塞道杳不知其所窮始大駭汗過野廟遇老叟問此
何山曰古昭關也去香林尚三十餘里宜急行前山
有火起者乃烈原以驅虎也時銅鉦束燎皆不及備

傍山涉澗恠石如林馬爲之辟易衆以爲伏虎却顧
反走顛仆枕籍呼聲甚微雖強之大譟不能也良久
乃起復循嶺以行諦視崖塹深不可測澗水潄潄與
風疾徐仰見星斗滿天自分恐不可免且念伍員昔
嘗厄於此關豈惡地固應爾邪盡二鼓抵香林燈下
恍然自失如更生者噫予以離親之久諸所弗計冒
險夜行度二關犯虎穴雖瀕危而倖免焉其亦可謂
不審也已謹志之以爲後戒

滁之山水得歐陽子醉翁亭記諸作而後顯聞于世
今去歐陽子餘五百年矣如學士篁墩程先生夜度
兩關記諸作非今之歐陽子乎然而滁人少有知之

者走爲先生門人竊祿僕臺又幸在尚書襄毅公後
因手自錄出付滁守陳君則清刊之於石與滁人共
焉新安汪玄錫識石在龍泉寺之山門內

一宿菴記

陸光祖

佛之道主於破愛執以全妙明無住之真心惟恐貪
著爲累故日中一食樹下一宿不留畜不三宿桑下
遠其累也余官南太僕常以職事至留都守心禪師
者棲金陵弘濟有高德爲徒衆所歸余舊爲祠部郎
與相善別凡十六年矣頃過烏衣有善信蔣氏延供
外舍余聞喜甚亟邀至相見叙舊甚懽後過輒請相
見然匆匆分去亦嘗至余署中師厭囂弗能留也他

日自留都還過烏衣因造其居日向晡矣乃散遣人
吏獨與相對藝香趺坐請質奧密有頃主人來謁布
袍樸野爲余煮茶作糜夜久就蓐枕肱甘寢不知日
之高春也烏衣當四轅中衢而其人喜結僧緣應其
食宿余欲遂成之顧其屋廬庳隘無以容客與謀更
構焉主人故亦有意家貧費不給余遂捐奉爲助令
結一庵市材募工四月而就余以一宿於此因題之
曰一宿菴此菴專待雲水往來當其疲於道路入夜
投息蔬餐草榻至者晏如遲明訖食洗鉢出門登塗
一簾高肩不顧自去主人接之無賢無愚無老無少
無踈無親以平等法運廣大心一如路亭郵舍來即

禮納去無酬謝灑然不滯彼此各適主人無厭怠客亦無繫戀其去其來率以一宿此日既爾來日復然一宿之旨其佛之遺乎夫貪夫狗貨身溺不舍琴者競權口含猶視執情彌固廣生諸結愛河苦海永劫淪墜彼亦安知一宿之義哉嗚呼凡過而宿者皆佛弟子也爾其以三界為遠廬以形骸為旅泊以情識為客塵以圓覺為常住一宿頓悟同於永嘉此佛之為教而余所以名其菴也為書片石置之壁間俾觀者有省焉



